

Երևանի գաւառապետ Լ. Ամիրխանեանը, Էջմիածնի՝ Սեդրաք Ջալալեանը, Դարալագեազի՝ Ն. Յակոբեանը, Նոր-Բայազէտի՝ Բէնօ Նալչաջեանը, Դիլիջանի՝ Մեսրոպ Սարատիկեանը, Ղարաքիլիսայի՝ Սիգօ Տէր-Սարգսեանը, Ալեքսանդրապոլի՝ Թալանեանը, Կարսի նահանգից՝ Ստ. Ղորղանեանը, Ջանգեզուրից՝ Նիկ. Յովսէփեանը, Սուրմալուից՝ Հ. Խորհրդի անդամ Իւսուֆ Բէգ Թեմուրեանը (եղիղի)։ Համագումարին, մէջ ընդ մէջ, մասնակցեցին նաև Հայ. Խորհրդի ու կառավարութեան անդամները, նախարարութեանց ներկայացուցիչները և այլն։ Օրակարգի մէջ դրւած էին բազմաթիւ հարցեր։ **Ձուտ վարչական-նոստիկանական հարցերից** յիշենք 1) երկրի վարչական սահմանների սրբազրութեան հարցը, 2) մասնագէտ նոստիկանների պատրաստութիւնը և նոստիկանական դպրոցի բացումը, 3) պաշտօնէութեան ու նոստիկանութեան տնտեսական վիճակի բարելաւումը, 4) նոստիկանների համագլխատի խնդիրը։ Համագումարը ջերմ հետաքրքրութիւն առաջ բերեց իր շուրջը։ Նրա ոգին էր Ս. Մանասեանը՝ մէկը այն անաղմուկ, բայց եռանդուն գործիչներից, որոնց, ամէն բանից առաջ, հետաքրքրում է կենդանի գործը։ Հին յեղափոխական, պատասխանատու դերակատար ժողովրդական ինքնապաշտպանութեան կազմակերպութեան շրջանում, Մանասեանը, որպէս ներքին գործոց նախարարութեան վարիչ էլ երևան բերեց վարչական բարձր կարողութիւն։ Երկար ժամանակ, փաստօրէն նա էր ներքին գործոց նախարարութեան ղեկավարը, և Հայաստանի ներքին կազմակերպութիւնն ու զարգացումը շատ բանով նրան է պարտական։

Կառավարութիւնը աշխատեց աստիճանաբար հայացնել բոլոր պետական հիմնարկութիւնները՝ խուսափելով, սակայն, կտրուկ միջոցներից։ Այս պարագան ջղայնացնում էր հասարակութեան որոշ մասերը, մանաւանդ, թիւրքահայերին, որոնք պահանջում էին անմիջապէս հայացնել ամբողջ պետական մեքենան։ Մամուլը, մանաւանդ, անողոր քննադատութեան էր ենթարկում այն հիմնարկութիւնները, ուր ազգայնացումը գնում էր դանդաղ։ Այդ. 17-ին Երևանի քաղաքապետարանում տեղի ունեցաւ հայ թերթերի ներկայացուցիչների առաջին ժողովը՝ մասնակցութեամբ «Աշխատանք»-ի խմբագիր Հմ. Մանուկեանի, «Հայաստանի Աշխատաւոր»-ի խմբագիր Վ. Խորէնիի, «Հայաստանի Կօօպերացիա»-յից Զ. Կորկոտեանի և «Վան-Տոսպ»-ից՝ Ա. Աւետիսեանի, որ կայացրեց հետևեալ որոշումները. 1. Կոչ ուղղել պետական, հասարակական ու մասնաւոր հիմնարկութիւններին՝ խօսել ու գրել հայերէնով։ 2. Մերթել ո՛չ հայերէնով գրութիւններ, լուրեր ու յայտարարութիւններ ընդունել։ Վերջինի համար բացառութիւն համարել միայն այն պարագան, երբ անոր կրնկերանայ հայերէնը և կամ թէ երբ ոչ հայերու կողմէ է տրւած։ 3. Պահանջել հայերէն լեզուի պաշտօնականացում, իսկ միւսների գործածութիւնը թոյլատրել միայն որպէս օժանդակ լեզուներ։ 4. Թերթերի մէջ ունենալ «հայացման» բաժին, ուր տպւելու են լուրեր թէ՛ դրական և թէ՛ բացասական, նոյնիսկ ազիտացիոն բնաւորութիւն ունեցող հայ լեզուի գործածութեան շուրջ։ 5. Կազմւած հոշակել «Հայացման Կոմիտէ», որի մէջ մտնելու են ներկաները, ինչպէս նաև հրաւիրւում են մասնակցելու բացակայ թերթերի, նախարարութիւն-